



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 29. De Reperationem ponente cum seruo.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

stræ media, à summa Dei prouidentia immissa agnoscamus & suscipiamus, optantes à Deo, & gratias agentes, vt SS. fecerunt.

4. *Nisi videritis &c.* Christus duriuscule regulum alloquitur, tum quod fides eius esset imperfecta (putabat enim opus esse Christi præsentia vt filium iuuaret, quasi id ipsum absens, sua potentia nequiret) tum ne videretur personam diuitis ac potentis respicere, qui aliàs inuitatus ad seruum centurionis, vltro se venturum statim respondit, domino mirante ac deprecante, quasi eius præsentia indignus esset. Forte & tua etiam fides est imperfecta, qui tam parū moueris, vel comminatione supplicii (in inferno aut purgatorio) vel promissione æternæ gloriæ in cælo; quæ si viua fide apprehenderes, multo in diuino seruitio feruentior, & in peccatis vitandis cautior esses.

5. *Credidit ipse & domus.* Et tu pariter regulus quidam es, qui habeas regendas potētias animæ internas & externas, omniaq; mēbra, vt subsint Deo & rationi: Filius tuus est anima tua, qua si sit proxima lapsui in peccatum, recurrendum est, vera fide ad Deum vt eruat.



MEDITATIO XXIX.  
DE REGENERATIONEM  
PONENTE CVM  
SERVO.

PVNCTA MEDITATIONIS.

I. Rex remiserat 10. millia tal. seruo Matt. 18.

T 3

pro-



*procidenti in terram ac roganti, ut patientiam haberet; se soluturum.*

II. *Idem seruus, conseruo 100. denarios debenti & eadem ratione petenti nõ ignoscit sed ferè suffocat.*

III. *Rex hoc audiens, iratus tradit tortoribus donec debitum reddat. Sic faciet pater cælestis, si non remittatis fratri.*

#### PROPHEZIA.

Eccl. 28. 1. **Q***ui vindicari cupit, inueniet vindictã & peccata illius seruã seruabit. Relinque proximo nocẽti te. & deprecãti. Homo homini seruat iram & à Deo quaerit medelam.*

#### DOCUMENTA.

x. **R***EX in hac parabola, Christus est, ac seruus homo quilibet, qui à Deo creatus, Christi sanguine redemptus & in vineam præsentis vitæ conductus est, ut Deo seruiat. Hic sæpe ingentia debita peccando contrahit: quia tanta est, vel vnus peccati malitia, ut pro eo (remota Dei misericordia & Christi meritis) nemo possit satisfacere; iraque opus est, ut se humiliet, ac pœnitentiam agat.*

2. *Debitum dimisit ei. Tanta est, Dei misericordia, ut nostra humilitate ac pœnitentia, statim flectatur, & quamuis ex fragilitate in ea-*



In eadem peccata recidamus, nobis tamen eadem remittere paratus est ( etiam septuagesies septies, vt dixit S. Petro in hoc cap. 18. Matth. ) modo nos ipsi, in humilitate, pœnitentia & emendationis firmo proposito, nobis non desimus; adeo vt non tantum culpam, sed etiam pœnam omnem ( si contritio sit sufficiens ) nobis remittat.

3. *Egressus inuenit unum de conseruis.* Crudelitas ac sauitia ingens fuit huius hominis, qui paulo ante à Rege tam beneuole ad vnâ deprecationem dimissus, tam crudeliter nunc in similem sibi, sauire incipiat. Talis & tu es, quoties propter leuem offensionem proximo non ignoscis: quantum discrimen est hic inter vtrunq; debitum? maius est discrimen inter offensam Dei infinitam ( qua propter peccatum contra Deum infinitum admittitur ) & offensam alicui homini ( etiam Regi atque Imperatori, qui in conditione naturæ humanæ similis est ) illatam.

4. Media, quibus ad iniuriam proximo remittendam moueri possis; sunt varia. 1. longanimitas Dei, qua impios expectat donec se emendent, vti tecum sapius fecit. 2. eiusdem misericordia, qua te, non cogitantem etiam de reconciliatione, bonis inspirationibus, concionibus, aliisque monitionibus inuitat, & quam primum doles ac veniam deprecaris, condonat. 3. quia Deus præcepit proximum diligere, ac tanto opere offenditur si contrarium fiat. 4. quia hac ratione filius Dei efficieris, ei in misericordia, quam simillimus. *Matth. 5. Diligite inimicos, & eritis filij Altissimi.*

Y 4

5. quia



5. quia alias hac ingratitude, ira Dei provocatur, & poenae peccati augentur.

5. *Sic & Pater meus caelestis faciet vobis.* Mirum est, quanti DEVS dilectionem mutuam inter homines faciat; adeo ut homini eam contemnenti, suam ipse dilectionem ac gratiam neget; immo & in aeternas inferorum poenas detrudat.

6. *Remiseritis fratri de cordibus vestris,* non satis est Deo, si ore tantum remissio fiat (manente aliquo rancore interiori) sed corde etiam fieri debet, ut nulla residueat interior auersio, aut iniuriae memoria. Sicut ipsemet *Ezech. 18.* peccatori poenitenti promittit se iniquitatum eius, memorem non futurum.



## MEDITATIO XXX. DE NYMISMATE

CENSUS.

### PUNCTA MEDITATIONIS.

- Mat. 22* I. *Pharisaei cum Herodianis, volentes Christum capere in sermone, dicunt: Magister, scimus, quia verax es, & viam Dei doces &c.*
- II. *Petentibus an liceat dare censum? respondit, quid me tentatis, hypocrisis? & ostenderunt denarium cum imagine Caesaris.*

III. *Red-*